

Cyngor Sir Ceredigion County Council

ADRODDIAD I'R: Pwyllgor Trosolwg a Chraffu Cymunedau Iachach
DYDDIAD: 18 Medi 2023
LLEOLIAD: Siambr y Cyngor, Penmorfa
TEITL: Gwasanaethau Arbenigol Porth Cynnal (Plant ac Oedolion)

ADRODDIAD RHEOLI PERFFORMIAD Y GWASANAETH ADOLYGU ANNIBYNNOL CHWARTER 4 2022 – 2023

PWRPAS YR ADRODDIAD: Monitro cynnydd plant sy'n derbyn gofal trwy waith craffu Swyddogion Adolygu Annibynnol o'u cynlluniau a'u lleoliadau yn ystod pedwerydd chwarter 2022/2023. Mae'r wybodaeth hon yn cynorthwyo'r Aelodau i gyflawni eu swyddogaethau fel Rhieni Corfforaethol.

RHESWM Y MAE'R PWYLLGOR CRAFFU WEDI GOFYN AM Y WYBODAETH HON:

Sicrhau bod yr Awdurdod Lleol a'r Aelodau yn gallu cyflawni eu dyletswyddau fel Rhieni Corfforaethol.

CEFNDIR:

Atodir Adroddiad y Gwasanaeth Adolygu Annibynnol ar gyfer Chwarter 4 2022/2023.

Caiff adroddiadau chwarterol eu rhoi gerbron y Pwyllgor Trosolwg a Chraffu Cymunedau Iachach fel rhan o'r ystyriaeth barhaus o'r pwnc i sicrhau bod yr Awdurdod Lleol yn cyflawni ei ddyletswyddau fel y Rhiant Corfforaethol.

Mae'r adroddiad hwn yn cynnwys y safonau a'r targedau cenedlaethol a lleol a ddefnyddir i fesur y canlyniadau ar gyfer plant sy'n derbyn gofal a phlant sy'n gadael gofal adeg eu cyfarfod adolygu, ac mae'n cynnwys Dangosyddion Perfformiad Llywodraeth Cymru.

Ar sail y wybodaeth sydd ar gael a'r hyn a fynegwyd yn ystod y cyfarfod adolygu, mae'r Swyddog Adolygu Annibynnol yn llunio barn broffesiynol ynghylch effeithiolrwydd Cynllun Gofal y plentyn/person ifanc o ran bodloni ei anghenion, a gall argymhell newidiadau i'r Cynllun Gofal.

Yn ystod y cyfarfod adolygu bydd y Swyddog Adolygu Annibynnol yn ystyried a oes angen cymorth ar y plentyn/person ifanc i adnabod pobl eraill berthnasol i gael cyngor cyfreithiol/cymryd camau ar ei ran. Roedd y Swyddog Adolygu Annibynnol o'r farn bod angen gweithredu ar gyfer 7 person ifanc yn ystod y cyfnod hwn.

Yn ogystal, mae'r Swyddog Adolygu Annibynnol yn ystyried a oes unrhyw dramgwydd yn erbyn hawliau dynol y plentyn/person ifanc ac, os oes, gallai gyfeirio'r achos i CAF/CASS

Cymru. Ni chododd yr angen i wneud hynny mewn unrhyw gyfarfod adolygu yn ystod y cyfnod hwn.

CRYNODEB O'R PWYNTIAU ALLWEDDOL:

- Ar ddiwedd Chwarter 4, roedd 132 o blant yn derbyn gofal o'i gymharu â 122 ar ddiwedd Chwarter 3.
- Cafodd 101 o blant eu hadolygu yn ystod y chwarter hwn o'i gymharu â 116 yn y chwarter blaenorol. Adolygwyd 94.1% o blant o fewn yr amserlen statudol.
- Roedd 3 phlentyn wedi gadael gofal yn y chwarter hwn o'i gymharu ag 8 yn Chwarter 3. Cafodd 1 phlentyn ei fabwysiadu yn y chwarter hwn a symudodd 2 berson ifanc ymlaen i lety â chymorth neu fyw'n annibynnol neu i leoliad cysylltu bywydau.
- Y ddarpariaeth lleoliad ar gyfer y plant a adolygwyd yn ystod y chwarter hwn oedd bod 25 mewn gofal maeth Awdurdod Lleol (yn y sir) a 2 mewn lleoliadau gofal maeth yr ALI y tu allan i'r sir, 24 mewn lleoliadau gofalwyr sy'n berthnasau (19 yn y sir, 5 y tu allan i'r sir), 13 mewn lleoliadau Asiantaeth Faethu Annibynnol (3 yn y sir, 10 y tu allan i'r sir), cafodd 11 phlentyn eu lleoli gyda rhieni a chafodd 13 eu lleoli mewn darpariaeth gofal preswyl y tu allan i'r sir. Cafodd 4 phlentyn eu lleoli gyda theulu, cafodd 3 eu mabwysiadu, ac roedd 6 mewn llety â chymorth/byw'n annibynnol.
- Roedd 51 o blant yn derbyn gofal o dan statws cyfreithiol Gorchymyn Gofal Llawn, 28 o dan Orchymyn Gofal Dros Dro, 3 o dan Orchymyn Lleoli, ac 19 o dan Adran 76.
- O'r plant a adolygwyd yn ystod y chwarter hwn, cafodd 98% o'r plant ymweliad statudol. Roedd hyn yn cymharu ag 83.6% yn Chwarter 3
- Cofnodwyd bod 46.7% o'r Cynlluniau Gofal a Chymorth wedi'u sefydlu yn yr adolygiad cyntaf. Roedd y ganran isel eto y chwarter hwn oherwydd problemau staffio yn y Tîm Gofal Wedi'i Gynllunio oedd wedi atal cynlluniau rhag cael eu cwblhau mewn pryd.
- Fodd bynnag, roedd gan 83.3% o'r plant a adolygwyd yn y chwarter hwn Gynllun Parhad wedi'i sefydlu o'i gymharu â dim ond 16.7% o'r plant a adolygwyd yn Chwarter 3.
- Nododd 100 (99.0%) o adolygiadau fod safbwyntiau diwylliannol y person ifanc wedi cael eu bodloni,
- Cydnabuwyd mewn 86 o adolygiadau bod anghenion crefyddol y person ifanc yn cael eu bodloni; cadarnhaodd 4 adolygiad nad oedd anghenion y person ifanc yn cael eu bodloni, ac ar gyfer 9 adolygiad pellach nid oedd yn hysbys a oedd yr anghenion wedi'u bodloni neu beidio.
- Roedd angen cyfieithydd a chafodd ei ddarparu ar gyfer 8 adolygiad lle'r oedd ei angen.
- Roedd 8 phlentyn/person ifanc yn blant ar eu pennau eu hunain sy'n ceisio lloches ac nid oedd gan 7 o'r plant/pobl ifanc hyn Gynllun Preswylion Sefydlog i Ddinasyddion yr EU.
- Ar gyfer plant a adolygwyd a'u hail adolygiad neu adolygiad dilynol, y cynlluniau parhad oedd yn eu lle oedd: 24 o blant yn aros mewn gofal maeth tymor hir, 17 o blant yn cael eu tracio'n gyfochrog, 13 o blant yn cael gofal gan berthnasau/gofal gan aelod o'r teulu, 9 phlentyn mewn lleoliad gyda rhiant, 9 phlentyn mewn gofal preswyl, 6 phlentyn yn cael eu mabwysiadu, 5 phlentyn mewn lleoliad byw'n annibynnol, 2 blentyn o dan gynllun Gwarcheidwaeth Arbennig, 1 phlentyn yn cael ei gefnogi i ail-fyw gyda'i rieni.
- Canran y plant (â digon o grebwyll) sy'n deall y rheswm dros dderbyn gofal oedd 98.5%.

- Canran y plant â digon o grebwyll oedd wedi cymryd rhan neu a gafodd eu hymgyngori ynghylch eu hadolygiad oedd 100%.
- Canran y plant a gafodd wybod am eu hawl i gael Gwasanaeth Eirioli oedd 90.9%.
- Nifer a chanran y plant sy'n derbyn gofal oedran ysgol oedd â Chynllun Addysg Personol yn ei le o fewn 20 diwrnod ysgol ar ôl iddynt ddechrau derbyn gofal neu ar ôl dechrau mewn ysgol newydd yn ystod y chwarter hwn oedd 93.7%.
- Nifer a chanran y rhieni roedd y Gweithiwr Cymdeithasol wedi ymgynghori â hwy cyn yr adolygiad neu a fu'n bresennol yn yr adolygiad oedd 100%.
- Cynhaliwyd 30 o Gynlluniau Llwybr yn ystod chwarter hwn o'i gymharu ag 17 yn Chwarter 3. Cynhaliwyd 90.0% Adolygiad o Gynlluniau Llwybr o fewn y terfynau amser.
- Canran y bobl ifanc ag Ymgynghorydd Personol/Gweithiwr Cymdeithasol dynodedig oedd 100% yn ystod y chwarter hwn.
- Canran y bobl ifanc yr ymgynghorwyd â hwy ar gyfer eu cyfarfod adolygu yn ystod y chwarter hwn oedd 90%.

A gwblhawyd Asesiad Effaith Integredig? Os naddo, esboniwch pam

Naddo

Crynodeb:

Caiff yr adroddiad hwn ei ddarparu'n barhaus ac mae'n dangos y gwaith parhaus a wneir gyda phlant sy'n derbyn gofal yng Ngheredigion.

LLESIANT CENEDLAETHAU'R DYFODOL:

- Hirdymor:** Cael cydbwysedd rhwng anghenion tymor byr a chynllunio hirdymor ar gyfer y dyfodol
- Integreiddio:** Effeithio'n gadarnhaol ar bobl, yr economi, yr amgylchedd a'r diwylliant a cheisio dod â budd i bob un ohonynt
- Cydweithredu:** Cydweithio â phartneriaid eraill i gyrraedd y nod
- Cynnwys:** Cynnwys y rhai hynny sydd â diddordeb a cheisio eu safbwyntiau; ymgysylltu ac ymgynghori â rhanddeiliaid
- Atal:** Defnyddio adnoddau i atal problemau rhag codi neu waethygu

ARGYMHELLIAD(ARGYMHELLION):

Nodi cynnwys yr adroddiad a'r lefelau gweithgarwch gyda'r Awdurdod Lleol.

RHESWM DROS YR ARGYMHELLIAD(ARGYMHELLION):

Er mwyn monitro dull llywodraethu gweithgarwch yr Awdurdod Lleol a'i asiantaethau partner ar gyfer plant sy'n derbyn gofal.

Enw cyswllt:

Audrey Somerton Edwards

Swydd: **Swyddog Arweiniol Corfforaethol: (Plant a Theuluoedd)**

Dyddiad yr Adroddiad: 14 Mehefin 2023

Acronymau: IRO – Swyddog Adolygu Annibynnol
LAC – Plant sy'n Derbyn Gofal;
CAFCASS – Gwasanaeth Cynghori a Chymorth i Blant a Theuluoedd
APR – Cofnodion Gweithredu a Chynnydd
PEP – Cynllun Addysg Bersonol
PI – Dangosyddion Perfformiad
CAMHS – Gwasanaethau Iechyd Meddwl Plant a'r Glasoed
NEET – Heb fod mewn addysg, gwaith na hyfforddiant
PRU – Uned Cyfeirio Disgyblion

Cyngor Sir CEREDIGION County Council

Gwasanaeth Diogelu

Adroddiad Rheoli Perfformiad y Gwasanaeth Adolygu Annibynnol

Chwarter 4: 1 Ionawr 2023 – 31 Mawrth 2023



...yn gofalu i wneud gwahaniaeth
...taking care to make a difference

CYNNWYS		
TUDALEN:		
ADRAN UN:	CYFLWYNIAD	3
ADRAN DAU:	CYNLLUNIO GOFAL	4
ADRAN TRI:	YMGYNGHORI A CHYFRANOGI	21
ADRAN PEDWAR:	PROTOCOL DATRYS PROBLEMAU	24
ADRAN PUMP:	GWERTHUSO	24
ADRAN CHWECH:	CYNLLUNIAU LLWYBR	25
ADRAN SAITH:	GOFAL SEIBIANT BYR RHEOLAIDD	27
ADRAN WYTH:	GOFAL SEIBIANT BYR	28

ADRAN UN: CYFLWYNIAD

Mae'r adroddiad hwn yn darparu'r wybodaeth a gasglwyd gan y Gwasanaeth Sicrhau Ansawdd ac Adolygu Annibynnol er mwyn monitro perfformiad a sicrhau ansawdd y gwasanaethau i blant sy'n derbyn gofal, plant sy'n gadael gofal, plant sydd mewn lleoliadau preswyl, a phlant sy'n derbyn gofal seibiant a seibiannau byr. Mae'r wybodaeth yn seiliedig ar y ffurflenni monitro sy'n cael eu cwblhau gan y Swyddogion Adolygu Annibynnol yn dilyn pob cyfarfod adolygu yn ystod y chwarter hwn ynghyd â gwybodaeth arall am berfformiad a gedwir gan y Gwasanaeth Plant a Theuluoedd.

MEINCNODI

Mae'r adroddiad hwn yn cynnwys y mesurau a'r targedau cenedlaethol a lleol a ddefnyddir i fesur y canlyniadau ar gyfer plant sy'n derbyn gofal a phlant sy'n gadael gofal adeg eu cyfarfod adolygu.

Ar sail y wybodaeth sydd ar gael a'r hyn a fynegir yn ystod y cyfarfod adolygu, mae'r Swyddog Adolygu Annibynnol yn llunio barn broffesiynol ynghylch effeithiolrwydd cynllun gofal y plentyn/person ifanc o ran bodloni ei anghenion, a bydd yn tynnu sylw rheolwyr at unrhyw ymarferion gwael.


Yn ystod y cyfarfod adolygu bydd y Swyddog Adolygu Annibynnol yn ystyried a oes angen cymorth ar y plentyn/person ifanc i adnabod pobl eraill berthnasol i gael cyngor cyfreithiol/cymryd camau ar ei ran. Barnwyd bod angen gweithredu ar gyfer 7 blentyn/person ifanc yn ystod y cyfnod dan sylw.

Yn ogystal, mae'r Swyddog Adolygu Annibynnol yn ystyried a oes unrhyw dramgwydd yn erbyn hawliau dynol y plentyn/person ifanc ac, os oes, gallai gyfeirio'r achos i CAFCASS Cymru. Ni chododd yr angen i wneud hynny mewn unrhyw gyfarfod adolygu yn ystod y cyfnod hwn.

ADRAN DAU CYNLLUNIO GOFAL

1. Prif Ffigurau ar gyfer Chwarter 4:

Mae'r tabl a'r siart isod yn rhoi cyfanswm y data plant sy'n derbyn gofal ar ddiwedd pob chwarter gan ddechrau gyda'r chwarter diweddaraf.	
31 Mawrth 2023	132
31 Rhagfyr 2022	122
30 Medi 2022	112
30 Mehefin 2022	105
31 Mawrth 2022	100
31 Rhagfyr 2021	97
30 Medi 2021	91
30 Mehefin 2021	89
31 Mawrth 2021	85



2. Nifer a chanran yr adolygiadau o blant sy'n derbyn gofal a gynhaliwyd o fewn y terfynau amser statudol


Targed a bennwyd 100% – Yr hyn a gyflawnwyd 94.1%

Adolygwyd 101 o blant yn ystod y chwarter hwn.


- Cynhaliwyd 95 (94.1%) cyfarfod adolygu plant sy'n derbyn gofal o fewn y terfynau amser statudol.
- Cynhaliwyd 6 (5.9%) cyfarfod adolygu plant sy'n derbyn gofal y tu allan i'r gofynion statudol; cofnodwyd y rhesymau fel a ganlyn:-
 - Gohiriwyd 2 adolygiad oherwydd argaeledd addysg.
 - Ar gyfer 2 arall roedd yr oedi oherwydd argaeledd y darpar fabwysiadwr.

- Gohiriwyd adolygiad pellach oherwydd bod y gofalwr a'r rhiant yn sâl a gohiriwyd 1 adolygiad arall oherwydd bod y person ifanc yn sâl.

	Ion-Maw 2023	Hyd-Rhag 2022	Gorff-Medi 2022	Ebr-Meh 2022	Ion-Maw 2022
Nifer y plant a adolygwyd yn ystod y chwarter	101	116	63	83	61
Nifer yr adolygiadau a gynhaliwyd o fewn y terfynau amser	95	99	56	75	55
Nifer yr adolygiadau a gynhaliwyd y tu allan i'r terfynau amser	6	17	7	8	6



3. Oed a rhyw plant a adolygwyd yn ystod y chwarter hwn:



4. Anghenion Diwylliannol, Crefyddol ac Iaith

Nododd 100 (99.0%) adolygiad fod safbwyntiau diwylliannol y person ifanc yn cael eu bodloni, ond nododd 1 adolygiad nad oedd anghenion y person ifanc wedi'u bodloni.

Cydnabuwyd mewn 86 o adolygiadau bod anghenion crefyddol y person ifanc yn cael eu bodloni; cadarnhaodd 4 adolygiad nad oedd anghenion y bobl ifanc yn cael eu bodloni, ac ar gyfer 9 adolygiad pellach nid oedd yn hysbys a oedd yr anghenion wedi'u bodloni neu beidio.

Roedd angen cyfieithydd a chafodd ei ddarparu ar gyfer pob un o'r 8 adolygiad.

5. Dinasyddiaeth


Cofnododd 92 adolygiad fod y plentyn person ifanc yn Ddinesydd y DU, gyda 9 adolygiad yn nodi nad oedd y plentyn/person ifanc yn Ddinesydd y DU.

Roedd 8 plentyn/person ifanc yn blant ar eu pennau eu hunain sy'n ceisio lloches, nid oedd gan 7 o'r plant/pobl ifanc hyn Gynllun Preswyllo'n Sefydlog i Ddinasyddion yr EU wedi'i sefydlu ac ni wyddys a oedd gan y person ifanc arall Gynllun Preswyllo'n Sefydlog i Ddinasyddion yr EU wedi'i sefydlu.

Cofnododd pob un o'r 8 adolygiad nad oedd cais wedi cael ei wneud ar gyfer Cynllun Preswyllo'n Sefydlog i Ddinasyddion yr EU neu nid oedd yn hysbys a oedd cais wedi cael ei wneud; fodd bynnag cofnododd pob un o'r 8 adolygiad fod y person ifanc yn cael ei gefnogi yn hyn o beth.

6. Natur lleoliadau'r plant a adolygwyd yn ystod y chwarter hwn:

Math o Leoliad	Yn y Sir	Tu allan i'r Sir	Cyfanswm
Gofalwyr Maeth yr Awdurdod Lleol	25	2	27
Gofalwyr sy'n Berthnasau	19	5	24
Gofalwyr Asiantaeth Faethu Annibynnol	3	10	13
Lleoli â Rhieni	11		11
Arall			
Lleoli â Theulu	1	3	4
Preswyl		13	13
Mabwysiadu		3	3
Preswyl Mamau a Babanod			
Gofalwyr Maeth Asiantaeth Faethu Annibynnol ar gyfer Rhieni a Babanod			
Ysbyty			
Llety â Chymorth/ Byw'n Annibynnol		6	6
	59	42	101




Roedd 64 o bobl ifanc a adolygwyd wedi cael eu lleoli gyda gofalwyr oedd yn siarad eu hiaith eu hunain

Nododd 8 adolygiad fod y person ifanc yn plentyn heb fod yng nghwmni oedolyn a chafodd ei roi mewn lleoliad gofal oedd heb fodloni ei anghenion iaith gyntaf. Roedd cyfieithydd yn yr adolygiad er mwyn i'r person ifanc allu cyfrannu'n briodol.

7. Statws cyfreithiol y plant a adolygwyd yn ystod y chwarter hwn:

Statws cyfreithiol y plant a adolygwyd	
Gorchymyn Gofal Llawn	51
Gorchymyn Gofal Dros Dro	28
Gorchymyn Lleoli	3
Adran 76	19
Cyfanswm	101




Awdurdod Dirprwyedig:

Cadarnhawyd bod awdurdod dirprwyedig wedi'i sefydlu ar gyfer 71 o blant a adolygwyd, gydag 11 adolygiad yn nodi nad oedd hyn wedi'i wneud eto. Ni wyddys a oedd hyn wedi digwydd mewn 12 adolygiad, gyda 7 adolygiad arall yn cofnodi nad oedd yn berthnasol i'r achos.

8. Y rhesymau pam bod y plant a adolygwyd wedi gadael gofal

Cyfnod	Y nifer sydd wedi gadael gofal	Y rheswm dros adael gofal				
		Mabwysiadu	Dychwelyd adref at y teulu	Pan dwi'n barod	Dirymu'r Gorchymyn Gofal	Llety â Chymorth/ Byw'n Annibynnol/ Cysylltu Bywydau
Ion-Maw 2023	3	1	0	0	0	2
Hyd-Rhag 2022	8	0	6	1	0	1
Gorff-Medi 2022	6	1	1	1	3	0
Ebr-Meh 2022	2	0	0	0	1	1
Cyfanswm	19	2	7	2	4	4



9. Nifer a chanran y plant sy'n derbyn gofal sydd â Gweithiwr Cymdeithasol dynodedig


Targed a bennwyd 100% – Yr hyn a gyflawnwyd 100.0%

- Cofnododd 101 (100.0%) adolygiad o blant sy'n derbyn gofal fod Gweithiwr Cymdeithasol cymwysedig yn gweithio gyda'r plentyn.

10. Nifer a chanran yr ymweliadau statudol â phlant sy'n derbyn gofal a adolygwyd o fewn y terfynau amser gofynnol

Targed a bennwyd 100% – Yr hyn a gyflawnwyd 98.0%

- Derbyniodd 99 (98.0%) o blant sy'n derbyn gofal ymweliadau gan Weithiwr Cymdeithasol yn unol â'r gofynion statudol.
- Ni dderbyniodd 2 (2.0%) blentyn sy'n derbyn gofal ymweliadau gan Weithiwr Cymdeithasol yn unol â'r gofynion statudol.




Sylwadau:

11. Nifer a chanran y Cynlluniau Gofal a Chymorth (Rhan 6) a oedd wedi'u sefydlu erbyn dyddiad y lleoliad cyntaf a'r cynlluniau cyfredol a oedd ar gael ar gyfer yr adolygiad

Targed a bennwyd 100% – Yr hyn a gyflawnwyd 46.7%

- Daeth 15 o blant yn blant sy'n derbyn gofal yn ystod y chwarter hwn; cofnodwyd mewn 7 (46.7%) cyfarfod adolygu fod gan y plentyn/person ifanc Gynllun Gofal a Chymorth (Rhan 6) wedi'i sefydlu erbyn dyddiad ei lleoliad. Nid oedd y Cynllun Gofal a Chymorth (Rhan 6) wedi'i sefydlu erbyn dyddiad y lleoliad ar gyfer yr 8 plentyn/person ifanc arall.



- Nododd y Swyddog Adolygu Annibynnol fod angen diweddarau cofnodion y Cynllun Gofal a Chymorth (Rhan 6) ar gyfer 19 o blant. Nodwyd bod angen diweddarau'r Cynllun Gofal a Chymorth o hyd ar gyfer 9 plentyn/person ifanc.


12. Nifer a chanran y plant sy'n derbyn gofal sydd â Chynllun Parhad wedi'i sefydlu erbyn yr ail adolygiad os na chynlluniwyd ar gyfer dychwelyd adref

Targed a bennwyd 100% – Yr hyn a gyflawnwyd 83.3%


- Cynhaliwyd 18 ail adolygiad yn ystod y chwarter hwn, a chofnododd 15 (83.3%) adolygiad fod Cynllun Parhad wedi'i gytuno. Mae hyn yn cymharu ag 16.7% yn y chwarter blaenorol.
- Mewn 5 (4.9%) adolygiad yn ystod y cyfnod hwn cofnododd y Swyddog Adolygu Annibynnol bryderon ynghylch cynnydd y Lleoliad/Cynllun Gofal a Chymorth/Cynllun Parhad.

Roedd natur y pryderon fel a ganlyn: -


- Mewn 1 adolygiad nodwyd bod angen cynllun tymor hir cytunedig ar gyfer y person ifanc.
- Cafodd oedi wrth drefnu Gorchymyn Gwarchodaeth Arbennig ei gydnabod fel oedi ar gyfer 1 person ifanc.
- Ar hyn o bryd mae trafodaethau'n mynd rhagddynt ynglŷn ag anghenion y person ifanc a lle byddai'r anghenion hynny'n cael eu bodloni orau.
- Adolygwyd 1 person ifanc arall ddwywaith yn ystod y cyfnod a chafodd llithro gyda'r Cynllun Gofal ei nodi yn y ddau adolygiad.



13. Faint o Amser Mewn Gofal



14. Natur y Cynlluniau Parhad




15. Nifer a chanran y plant sy'n derbyn gofal a gafodd ofal seibiant gan rywun heblaw eu prif ofalwyr

- Mewn 10 (9.9%) adolygiad nodwyd bod y plentyn/person ifanc yn cael gofal seibiant byr i ffwrdd o'i brif ofalwr; nododd pob un o'r adolygiadau o blant sy'n derbyn gofal hyn fod y gofal seibiant yn bodloni anghenion y plant/pobl ifanc.

16. Nifer a chanran y bobl ifanc gymwys sydd â Chynllun Llwybr yn unol â'r gofynion

Targed a bennwyd: 100% Targed a bennwyd 78.6%

- Mewn 11 (78.6%) adolygiad o berson ifanc cofnodwyd bod gan y person ifanc Gynllun Llwybr wedi'i sefydlu a bod Ymgynghorydd Personol wedi'i benodi ar ei gyfer.
- Mewn 3 (21.4%) adolygiad cofnodwyd nad oedd gan y person ifanc Gynllun Llwybr wedi'i sefydlu.
- Nododd 13 o'r adolygiadau uchod fod Ymgynghorydd Personol wedi'i benodi ar gyfer y bobl ifanc, fodd bynnag, nododd 1 adolygiad fod Ymgynghorydd Personol heb ei benodi eto.



17. Nifer a chanran y Plant sy'n Derbyn Gofal (o oedran a lefel dealltwriaeth briodol) sy'n deall y rhesymau pam eu bod yn cael eu gofalu amdanynt

Targed a bennwyd 100% – Yr hyn a gyflawnwyd 98.5%

- Mae'r data ar gyfer y dangosydd perfformiad hwn yn ymwneud â 66 o blant/pobl ifanc oherwydd barnwyd nad oedd 35 o'r plant/pobl ifanc yn ddigon hen nac yn meddu ar ddigon o grebwyll i ddeall pam eu bod yn derbyn gofal.

- Roedd 65 (98.5%) yn y grŵp hwn yn dangos rhyw fath o ddealltwriaeth pam eu bod yn derbyn gofal gan rywun heblaw am eu teuluoedd o'i gymharu â 95.3% yn y chwarter blaenorol.
- Nododd 1 (1.5%) adolygiad fod y gwaith Taith Bywyd angen ei wneud gyda'r plentyn/person ifanc i'w helpu i ddeall y rhesymau pam ei fod yn derbyn gofal.

18. Nifer a chanran y plant sy'n derbyn gofal (fel y bo'n briodol o ran eu hoedran a'u crebwyll) a oedd yn deall eu Cynllun Gofal a Chymorth

Mae'r data ar gyfer y dangosydd perfformiad hwn yn ymwneud â 63 o blant/pobl ifanc oherwydd barnwyd nad oedd 38 o'r plant/pobl ifanc yn ddigon hen nac yn meddu ar ddigon o grebwyll, ac felly fe'u diystyriwyd o'r ffigurau.

- Roedd 60 (95.2%) yn y grŵp hwn yn dangos dealltwriaeth o'r hyn a oedd yn eu Cynlluniau Gofal a Chymorth (Rhan 6).
- Nododd 3 (4.8%) adolygiad fod angen rhannu hwn gyda'r plant/pobl ifanc.

19. Mesur Cenedlaethol 33: Nifer a chanran yr achosion o symud plant sy'n derbyn gofal

- Mewn 7 (6.9%) adolygiad cofnodwyd bod y plentyn/person ifanc wedi symud lleoliad yn ystod y chwarter hwn o'i gymharu ag 13.8% yn y chwarter blaenorol.

Y rhesymau dros newid lleoliad oedd:

- Roedd 1 person ifanc a gafodd ei leoli am gyfnod byr gyda theulu estynedig wedi symud i leoliad maethu tymor byr tra ei fod yn aros am asesiadau pellach.
- Cynlluniwyd ar gyfer camu i lawr o leoliad mam a baban i fyw yn y gymuned gyda rhiant ar gyfer 1 plentyn.
- Symudodd 1 person ifanc arall o leoliad gofal maeth i fyw gyda'i riant.
- Ar gyfer teulu gydag 1 plentyn, roedd cynlluniau i symud o ofalwyr maeth i leoliad tymor hir ar gyfer 1 plentyn.
- Roedd lleoliad gofal gan berthnasau ar gyfer 1 person ifanc wedi methu a symudodd i fyw gyda gofalwyr maeth.
- Symudodd person ifanc arall o leoliad maethu tymor byr i leoliad maethu tymor hir.
- Mynegwyd pryderon ynghylch un lleoliad a arweiniodd at y person ifanc yn symud i leoliad preswyl tymor hir.

Roedd 3 plentyn wedi cael ei symud heb ei gynllunio a nodwyd bod y cyfarfod sefydlogrwydd wedi'i gynnal ar gyfer 1 o'r plant hyn o fewn 6 wythnos i symud lleoliad.

20. Nifer a chanran y cynlluniau lleoli (gan gynnwys darpariaeth addysg ac iechyd) yr aseswyd eu bod yn bodloni anghenion plant sy'n derbyn gofal

Targed a bennwyd 100% – Yr hyn a gyflawnwyd 95.0%

- Cofnodwyd bod 96 (95.0%) o gynlluniau lleoli/gofal a chymorth yn bodloni anghenion y plant/pobl ifanc o'i gymharu â 94.8% yn y chwarter blaenorol.
- Cofnododd 5 (5.0%) adolygiad nad oedd y lleoliad/gofal a chymorth yn bodloni anghenion y plentyn/person ifanc. Y rhesymau a gofnodwyd oedd:-
 - Ar gyfer 1 person ifanc a adolygwyd ddwywaith yn ystod y chwarter, nodwyd yn y ddau adolygiad nad oedd llawer o waith yn cael ei wneud gyda'r person ifanc.
 - Roedd 1 person ifanc yn anhapus gyda'r lleoliad ac oherwydd hynny roedd heb ymgysylltu â gwasanaethau.
 - Nododd adolygiad arall ar gyfer 1 person ifanc nad oedd y person ifanc wedi'i gofrestru yn y coleg neu gyda deintydd; yn achos 1 person ifanc arall nodwyd nad oedd darpariaeth addysg a deintydd wedi'i sefydlu a hefyd nid oedd y lleoliad wedi cofnodi meddyginiaeth y bobl ifanc ac asesu risg.

21. Nifer a chanran y pryderon diogelu a nodwyd mewn perthynas â phlant sy'n derbyn gofal yn ystod y chwarter hwn

- Mewn 4 (4.0%) adolygiad o blant sy'n derbyn gofal nodwyd pryderon diogelu ar gyfer y person ifanc; cadarnhawyd bod y pryderon yn cael sylw.


22. Nifer y plant sy'n derbyn gofal a enwir ar y Gofrestr Amddiffyn Plant

- Nid oedd unrhyw adolygiadau yn ystod y chwarter yn cadarnhau bod enw'r person ifanc wedi'i gynnwys ar y Gofrestr Amddiffyn Plant.

23. Nifer a chanran y plant sy'n derbyn gofal a gafodd Asesiadau Iechyd yn unol â'r gofynion statudol

Targed a bennwyd 100% – Yr hyn a gyflawnwyd 96.0%

- Roedd 95 (96.0%) o'r plant/pobl ifanc sy'n derbyn gofal wedi cael asesiad iechyd cyfredol erbyn eu hadolygiad o'i gymharu â 95.6% yn y chwarter blaenorol.
- Nid oedd gan 4 (4.0%) o'r plant/pobl ifanc sy'n derbyn gofal asesiad iechyd cyfredol adeg ei adolygiad.
- Cofnodwyd mewn 2 adolygiad bod y person ifanc wedi gwrthod asesiad iechyd/heb ymgysylltu, felly fe'u diystyriwyd o'r hafaliad.



24. Canran y plant a oedd wedi cofrestru gyda deintydd o fewn 20 diwrnod gwaith ar ôl dechrau derbyn gofal

Targed a bennwyd: 100% Targed a bennwyd 66.7%

Wedi cofrestru gyda deintydd

Mae'r data ar gyfer cofrestru plant/pobl ifanc gyda deintydd o fewn 20 diwrnod gwaith ar ôl iddynt ddechrau derbyn gofal yn ymwneud ag 18 plentyn/person ifanc.

- Mewn 12 (66.7%) adolygiad cofnodwyd bod y plentyn/person ifanc wedi cofrestru gyda deintydd o fewn 20 diwrnod gwaith ar ôl dechrau yn y lleoliad.
- Mewn 6 (33.3%) adolygiad nodwyd bod y plentyn/person ifanc heb gofrestru eto gyda deintydd.

Wedi cofrestru gyda deintydd

Mae'r data ar gyfer y dangosydd perfformiad hwn yn ymwneud ag 86 o blant/pobl ifanc oherwydd diystyriwyd 15 plentyn/person ifanc a oedd yn cael eu hadolygiad plant sy'n derbyn gofal cyntaf o'r ffigurau uchod er mwyn bodloni gofynion y Mesur Cenedlaethol.

- Roedd 73 (84.9%) o blant a phobl ifanc wedi cofrestru gyda deintydd. Mae hyn yn cymharu â 94.1% yn y chwarter blaenorol.
- Roedd angen i 13 (15.1%) plentyn/person ifanc gofrestru gyda deintydd.

Sylwadau:

25. Mesur Cenedlaethol 30: Nifer a chanran y plant sy'n derbyn gofal oedd wedi cael eu gweld gan ddeintydd o fewn 3 mis ar ôl dechrau derbyn gofal

Wedi cael ei weld gan ddeintydd

Mae'r data ar gyfer cael ei weld gan ddeintydd o fewn 3 mis ar ôl dechrau derbyn gofal yn ymwneud ag 12 plentyn.

- Cofnodwyd mewn 8 adolygiad (66.7%) bod y plentyn/person ifanc wedi cael ei weld gan ddeintydd cofrestredig o fewn 3 mis ar ôl dechrau derbyn gofal.
- Cofnodwyd mewn 4 adolygiad (33.3%) nad oedd y plentyn/person ifanc wedi cael ei weld gan ddeintydd cofrestredig o fewn 3 mis ar ôl dechrau derbyn gofal.


Sylwadau: Cafodd 2 o'r bobl ifanc hyn eu lleoli y tu allan i'r sir.

Wedi cael ei weld gan ddeintydd

Targed a bennwyd 90% – Yr hyn a gyflawnwyd 77.6%

Mae'r data ar gyfer y dangosydd perfformiad hwn yn ymwneud â 76 o blant/pobl ifanc gan fod 25 o blant/pobl ifanc yn iau na 2 oed a/neu'n cael eu hadolygiad o blant sy'n derbyn gofal cyntaf, ac felly fe'u diystyriwyd o'r ffigurau uchod er mwyn bodloni gofynion y Mesur Cenedlaethol.

- Cofnodwyd bod 59 (77.6%) o blant a phobl ifanc wedi gweld deintydd yn y 12 mis blaenorol o'i gymharu â 74.5% yn y chwarter blaenorol.
- Cofnodwyd nad oedd 17 (22.4%) o blant a phobl ifanc wedi gweld deintydd.



26. Mesur Cenedlaethol 31: Canran y plant sy'n derbyn gofal a oedd wedi cofrestru gyda Meddyg Teulu o fewn 10 diwrnod gwaith ar ôl dechrau yn eu lleoliad

- Mewn 20 (90.9%) adolygiad cofnodwyd bod y plentyn wedi cofrestru gyda darparwr gwasanaethau meddygol cyffredinol o fewn 10 diwrnod gwaith ar ôl dechrau yn y lleoliad.
- Adroddwyd mewn 2 (9.1%) adolygiad bod y cam gweithredu hwn heb ei gymryd adeg yr adolygiad.

27. Nifer a chanran y plant sy'n derbyn gofal oedd wedi cofrestru gyda meddyg teulu

Targed a bennwyd 100% – Yr hyn a gyflawnwyd 100.0%

- Roedd 101 (100.0%) o blant a phobl ifanc wedi cofrestru gyda meddyg teulu, sy'n gyson â'r chwarter blaenorol.
- Roedd 89 (89.9%) o blant wedi cael eu holl frechiadau.
- Roedd 10 (10.1%) o blant yn hwyr yn cael eu brechiadau. Mae 6 o'r bobl ifanc hyn yn blant ar eu pennau eu hunain sy'n ceisio lloches, a chynigir rhaglen garlam iddynt gan fod ganddynt hanes brechu blaenorol anghyflawn. Mae angen mwy o eglurder ar gyfer ambell i berson ifanc oedd heb gael brechiadau.

Cafodd 2 adolygiad eu diystyru o'r ffigurau oherwydd roedd y rhiant/person ifanc yn gwrthod cael brechiadau.

28. Nifer a chanran y plant sy'n derbyn gofal yr aseswyd eu bod angen cymorth gan Wasanaethau Iechyd Meddwl Plant a'r Glasoed (CAMHS) a gafodd eu hatgyfeirio ac a dderbyniodd asesiad/gwasanaeth

Targed: 50%

Perfformiad Gwirioneddol


- Mewn 4 (4.0%) adolygiad o blant sy'n derbyn gofal cofnodwyd bod y plentyn/person ifanc wedi cael ei atgyfeirio i CAMHS, a chadarnhawyd ym mhob un o'r 4 adolygiad bod yr atgyfeiriad wedi cael ei dderbyn ar gyfer y plentyn/person ifanc.
- Mewn 87 (86.1%) adolygiad o blant sy'n derbyn gofal, cofnodwyd bod iechyd meddwl/emosiynol y plant/pobl ifanc wedi cael ei ystyried yn ystod yr asesiad iechyd a/neu wrth drafod yn y cyfarfod.
- Mewn 14 (13.9%) adolygiad cofnodwyd nad oedd y problemau iechyd meddwl wedi cael eu hystyried.

- Mewn 13 (12.9%) adolygiad o blant sy'n derbyn gofal nodwyd bod problem iechyd meddwl gan y person ifanc.
- Cafodd problemau ymddygiad eu nodi ar gyfer 17 o blant/pobl ifanc yn ystod y cyfnod hwn.

29. Natur y ddarpariaeth addysg

Yn ystod y chwarter hwn roedd y plant a'r bobl ifanc a adolygwyd yn y ddarpariaeth addysg ganlynol:

Darpariaeth Addysg	
Plant cyn-ysgol	21
Disgyblion ysgol gynradd	38
Disgyblion ysgol uwchradd	26
Uned Cyfeirio Disgyblion (UCD)	
Prosiectau eraill – Lleoliad Gwaith Arbenigol	1
Coleg	1
Colli addysg	3
Heb fod mewn addysg, gwaith na hyfforddiant (NEET)	6
Addysg heblaw yn yr ysgol	2
Preswyl	
Wedi gadael yr ysgol	
Tiwtora	2
Addysg Ddewisol yn y Cartref	
Cyflogedig	1
Cyfanswm	101



30. Nifer a chanran y plant sy'n derbyn gofal oedran ysgol oedd â Chynllun Addysg Personol o fewn 20 diwrnod ysgol ar ôl dechrau derbyn gofal neu ar ôl dechrau mewn ysgol newydd

Targed a bennwyd 70% – Yr hyn a gyflawnwyd 93.7%

Mae'r data ar gyfer y dangosydd perfformiad hwn yn ymwneud â 63 o blant/pobl ifanc oedran statudol i ddechrau'r ysgol ac felly'n gymwys i gael Cynllun Addysg Personol.

- Roedd gan 59 (93.7%) o blant a phobl ifanc oedran statudol i ddechrau'r ysgol Gynllun Addysg Personol cyfredol.
 - Mewn 9 (75.0%) adolygiad cofnodwyd bod y Cynllun Addysg Personol wedi'i gwblhau o fewn 20 diwrnod ysgol o fod yn blentyn sy'n derbyn gofal, neu 20 diwrnod ysgol ar ôl newid ysgol, yn unol â'r gofynion.
 - Mewn 50 (98.0%) adolygiad cofnodwyd bod gan y person ifanc Gynllun Addysg Personol cyfredol.
 - Mewn 4 (6.3%) adolygiad cofnodwyd nad oedd y Cynllun Addysg Personol wedi cael ei gwblhau o fewn y terfynau amser; nododd un adolygiad y Cynllun Addysg Personol wedi cael ei gwblhau wedi hynny. Nododd y 3 adolygiad arall (2 blentyn oherwydd cafodd 1 plentyn ei adolygu ddwywaith) nad oedd y Cynllun Addysg Personol wedi ei gwblhau eto.

- Roedd gan 11 (17.5%) o blant a phobl ifanc a oedd yn mynd i'r ysgol/coleg anghenion dysgu ychwanegol uchel cydnabyddedig.

- Mewn 25 (39.7%) adolygiad daethpwyd i'r casgliad bod y plant/pobl ifanc a oedd yn mynd i'r ysgol/coleg yn tangyflawni o ran eu haddysg. Ym mhob un o'r 25 (100.0%) adolygiad cofnodwyd bod y bobl ifanc yn cael cymorth.

- Mewn 9 (69.2%) adolygiad nodwyd bod y ddarpariaeth addysg wedi'i sefydlu ar ddechrau'r lleoliad.
- Mewn 4 (30.8%) adolygiad cofnodwyd nad oedd y ddarpariaeth addysg wedi'i sefydlu ar ddechrau'r lleoliad.

- Mewn 4 (6.3%) adolygiad cofnodwyd y bu cyfnod pan oedd y plentyn/person ifanc heb fod mewn addysg am gyfnod tra ei fod aros am le mewn ysgol

31. Mesur Cenedlaethol 32: Canran y plant sy'n derbyn gofal sydd wedi symud i ysgol arall, ac eithrio trefniadau pontio

Targed a bennwyd 0% – Yr hyn a gyflawnwyd 0.0%

- Mewn 0 (0.0%) adolygiad cofnodwyd bod y plentyn/person ifanc wedi symud i ysgol arall ac nad oedd yn symud yn dilyn pontio, o'i gymharu â 9.5% yn y chwarter blaenorol.

32. Nifer a chanran y plant sy'n derbyn gofal a gafodd eu gwahardd o'r ysgol

Targed a bennwyd 12% gwaharddiad dros dro – Yr hyn a gyflawnwyd 3.2%

Targed a bennwyd 1% gwaharddiad parhaol – Yr hyn a gyflawnwyd 0.0%

- Mewn 2 (3.2%) adolygiad adroddwyd bod y person ifanc wedi'i wahardd o'r ysgol dros dro yn ystod y cyfnod adolygu. Mae hyn yn cymharu â 0.0% yn y chwarter blaenorol.
- Ni adroddwyd mewn unrhyw adolygiad (0.0%) bod y person ifanc wedi'i wahardd yn barhaol o'r ysgol, sy'n gyson â'r chwarter blaenorol.

Y gwaharddiadau yn ystod y chwarter hwn oedd: -
10 sesiwn, cyfanswm o 5 diwrnod

ADRAN TRI

YMGYNGHORI A CHYFRANOGI

1 **Dangosydd Perfformiad Lleol: Nifer a chanran y plant sy'n derbyn gofal a oedd yn ddigon hen ac yn meddu ar ddigon o grebwyll fel bod Gweithiwr Cymdeithasol wedi gallu ymgynghori â hwy neu roeddent yn bresennol yn eu cyfarfod adolygu**

Targed a bennwyd 100% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud ag 72 adolygiad oherwydd cofnodwyd mewn 29 adolygiad nad oedd y plant/pobl ifanc yn ddigon hen nac yn meddu ar ddigon o grebwyll i fod yn rhan o'r broses ymgynghori, er bod 2 blentyn/person ifanc wedi bod yn bresennol yn eu hadolygiad.

- Cofnodwyd mewn 72 (100.0%) adolygiad fod ymgynghori wedi digwydd.

Dadansoddiad o'r ymgynghori

Roedd 30 plentyn/person ifanc yn bresennol yn eu cyfarfod adolygu ar Teams.

Roedd 42 plentyn/person ifanc wedi cwblhau papurau ymgynghori, wedi siarad â'r Swyddog Adolygu Annibynnol a/neu roedd gweithwyr proffesiynol, rhieni, gofalwyr neu eiriolwyr wedi'u cynrychioli yno.

- Cafodd y Swyddog Adolygu Annibynnol gysylltiad uniongyrchol ag 18 plentyn/person ifanc yn ystod y cyfnod adolygu y tu allan i'r cyfarfod adolygu.

2 **Dangosydd Perfformiad Lleol: Nifer a chanran y plant a oedd yn gwybod am eu hawl i gael Gwasanaeth Eirioli/Cynllun Ymwelydd Annibynnol**

Targed a bennwyd 100% – Yr hyn a gyflawnwyd 90.9%

Mae'r data ar gyfer y dangosydd perfformiad hwn yn ymwneud â 66 adolygiad oherwydd cofnodwyd mewn 35 adolygiad nad oedd y plant/pobl ifanc a adolygwyd yn ddigon hen nac yn meddu ar ddigon o grebwyll i gael gwybod am eu hawl i gael Eiriolwr/Cynllun Ymwelydd Annibynnol, ac felly fe'u diystyriwyd o'r ffigurau.

- Cafodd 60 (90.9%) plentyn/person ifanc wybod am eu hawl i gael Eiriolwr/Cynllun Ymwelydd Annibynnol.

3 **Dangosydd Perfformiad Lleol: Nifer a chanran y plant a gafodd wybod am y drefn gwyno**

Targed a bennwyd 100% – Yr hyn a gyflawnwyd 95.1%

Mae'r data ar gyfer y dangosydd perfformiad hwn yn ymwneud â 61 adolygiad oherwydd cofnodwyd mewn 40 adolygiad nad oedd y plentyn/person ifanc yn ddigon hen nac yn meddu ar ddigon o grebwyll, felly fe'u diystyriwyd o'r ffigurau.

- Roedd 58 (95.1%) o blant/pobl ifanc yn gwybod am y drefn gwyno o'i gymharu â 97.3% yn y chwarter blaenorol.
- Mewn 3 (4.9%) adolygiad cofnodwyd bod y Swyddog Adolygu Annibynnol yn ansicr a oedd y plentyn/person ifanc yn gwybod am y broses gwyno neu beidio.

4 **Dangosydd Perfformiad Lleol: Nifer a chanran y rhieni y bu i'r Gweithiwr Cymdeithasol ymgynghori â hwy cyn yr adolygiad neu a fu'n bresennol yn y cyfarfod adolygu**

Targed a bennwyd 80% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud ag 89 adolygiad oherwydd cofnodwyd mewn 12 adolygiad nad oedd y rhieni yn rhan o'r broses adolygu statudol, ac felly fe'u diystyriwyd o'r ffigurau.

- Cwblhaodd 89 (100.0%) o rieni bapurau ymgynghori neu roeddent wedi cwrdd neu siarad â'r Swyddog Adolygu Annibynnol cyn a/neu ar ôl y cyfarfod adolygu, a/neu roeddent wedi bod yn bresennol yn y cyfarfod adolygu eu hunain, a/neu roedd gweithwyr proffesiynol wedi'u cynrychioli yno.

Dadansoddiad o'r ymgynghori

Cafodd papurau ymgynghori eu hanfon ar gyfer pob un o'r 89 adolygiad.

Mewn 54 adolygiad cadarnhawyd bod y rhieni'n bresennol neu eu bod wedi siarad â'r Swyddog Adolygu Annibynnol dros y ffôn cyn a/neu ar ôl yr adolygiad.

5 **Dangosydd Perfformiad Lleol: Nifer a chanran y gofalwyr maeth y bu i'r Gweithiwr Cymdeithasol ymgynghori â hwy neu a fu'n bresennol yng nghyfarfod adolygu'r plentyn**

Targed a bennwyd 100% – Yr hyn a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 90 adolygiad oherwydd cofnodwyd mewn 11 adolygiad bod y plentyn wedi'i leoli â rhiant neu'n byw'n annibynnol, felly diystyriwyd yr adolygiadau hyn o'r ffigurau.

- Cwblhaodd 90 (100.0%) o ofalwyr maeth bapurau ymgynghori a/neu buont yn bresennol yn yr adolygiadau yn ystod y cyfnod hwn.

6 Dangosydd Perfformiad Lleol: Nifer a chanran y cynrychiolwyr iechedd a fu'n bresennol mewn adolygiad neu a anfonodd adroddiad

Targed a bennwyd 100% – Yr hyn a gyflawnwyd 91.1%

- Mewn 92 (91.1%) adolygiad cadarnhawyd bod gwybodaeth am iechedd ar gael ar gyfer y cyfarfod.
- Mewn 9 (8.9%) adolygiad adroddwyd nad oedd gwybodaeth am iechedd ar gael ar gyfer y cyfarfod.

Sylwadau: Pan fydd pobl ifanc yn byw y tu allan i'r sir, mae'n fyw anodd cael y gweithwyr iechedd proffesiynol i fynychu

7. Dangosydd Perfformiad Lleol: Nifer a chanran y cynrychiolwyr ysgol a fu'n bresennol mewn adolygiad neu a anfonodd adroddiad

Targed a bennwyd 100% – Yr hyn a gyflawnwyd 94.2%

- Mewn 65 (94.2%) adolygiad o blant sy'n derbyn gofal roedd rhywun o'r ysgol yn bresennol neu wedi darparu adroddiad ysgrifenedig o'i gymharu â 93.7% yn y chwarter blaenorol.

Sylwadau: Pan fydd pobl ifanc yn byw y tu allan i'r sir, mae'n fyw anodd cael y gweithwyr iechedd proffesiynol i fynychu

8. Dangosydd Perfformiad Lleol: Nifer a chanran y dogfennau adolygiad o blant sy'n derbyn gofal a gwblhaodd y Gweithiwr Cymdeithasol cyn yr adolygiad

Targed a bennwyd 100% – Yr hyn a gyflawnwyd 54.5%

- Mewn 55 (54.5%) adolygiad cadarnhawyd bod y gweithiwr cymdeithasol wedi cwblhau'r ddogfen adolygu cyn y cyfarfod adolygu o'i gymharu â 69.8% yn y chwarter blaenorol.
- Mewn 46 (45.5%) adolygiad o blant sy'n derbyn gofal cadarnhawyd nad oedd y ddogfen adolygu wedi'i chwblhau gan y gweithiwr cymdeithasol cyn yr adolygiad.

Sylwadau:

**ADRAN PEDWAR:
PROTOCOL DATRYS PROBLEMAU**

Ni weithredodd y Swyddog Adolygu Annibynnol y Protocol Datrys Problemau ar gyfer unrhyw blentyn yn ystod y cyfnod hwn.

Cynhaliwyd 7 adolygiad canol cyfnod yn ystod y cyfnod hwn a lle'r oedd angen roedd y Swyddog Adolygu Annibynnol yn cynnal adolygiadau yn gynharach pan oedd pryderon.

ADRAN PUMP

GWERTHUSO

Nid oedd y wybodaeth hon ar gael ar gyfer y chwarter hwn.

ADRAN CHWECH

CYNLLUNIAU LLWYBR

Ar gyfer pobl ifanc dros 16 oed nad ydynt yn blant sy'n derbyn gofal/pobl ifanc dros 18 oed sydd wedi gadael gofal

Cynhaliwyd 30 Adolygiad o Gynlluniau Llwybr yn ystod y chwarter hwn.

1 Dangosydd Perfformiad: Canran yr Adolygiadau o Gynlluniau Llwybr a gynhaliwyd o fewn y terfynau amser

- Cynhaliwyd 27 (90.0%) Adolygiad o Gynlluniau Llwybrau o fewn y terfynau amser o'i gymharu â 70.6% yn y chwarter blaenorol.
- Cynhaliwyd 3 (10.0%) Adolygiad o Gynlluniau Llwybr y tu allan i'r terfynau amser. Roedd y rhesymau a gofnodwyd fel a ganlyn: -
 - Aildrefnwyd 1 adolygiad oherwydd argaeledd y person ifanc.
 - Gohiriwyd 2 adolygiad pellach oherwydd argaeledd y Swyddog Adolygu Annibynnol/Ymgynghorydd Personol.

2 Dangosydd Perfformiad: Canran y bobl ifanc ag Ymgynghorydd Personol/Gweithiwr Cymdeithasol dynodedig

- Ym mhob un o'r 30 (100%) adolygiad nodwyd bod gan yr holl bobl ifanc Ymgynghorydd Personol a/neu Weithiwr Cymdeithasol dynodedig.

3 Dangosydd Perfformiad: Canran y Cofnodion o'r Adolygiad o Gynlluniau Llwybr a oedd wedi'u cwblhau erbyn y cyfarfod

- Roedd y Cofnod Adolygu wedi'i gwblhau ar gyfer 21 (70.0%) Adolygiad o Gynlluniau Llwybr o'i gymharu â 76.5% yn y chwarter blaenorol.
- Mewn 9 (30.0%) adolygiad adroddwyd nad oedd y Cofnod o'r Adolygiad wedi'i gwblhau adeg yr adolygiad.

4 Dangosydd Perfformiad: Canran y bobl ifanc yr ymgynghorwyd â hwy ar gyfer y cyfarfod adolygu

- Cadarnhawyd mewn 27 (90.0%) adolygiad y bu'r bobl ifanc yn bresennol yn y cyfarfod adolygu a/neu fod rhywun wedi'u cynrychioli yno.
- Nodwyd mewn 3 (10.0%) adolygiad fod barn y plentyn/person ifanc heb gael ei chynrychioli yn yr adolygiad a/neu heb fod yn bresennol yn yr adolygiad.

- 5 **Dangosydd Perfformiad: Canran y bobl ifanc a oedd yn bresennol yn eu cyfarfod adolygu**
- Mewn 17 (56.7%) adolygiad cofnodwyd y bu'r person ifanc yn bresennol yn y cyfarfod adolygu.
 - Mewn 13 (43.3%) adolygiad cofnodwyd na fu'r person ifanc yn bresennol yn yr adolygiad.
- 6 **Dangosydd Perfformiad: Canran y Cynlluniau Llwybr oedd yn bodloni anghenion y person ifanc**
- Ym mhob un o'r 30 (100.0%) adolygiad cadarnhawyd bod y Cynllun Llwybr yn bodloni anghenion y person ifanc.
- 7 **Dangosydd Perfformiad: Canran y Cynlluniau Llwybr a ddiweddarwyd cyn gadael gofal/pen-blwydd yn 18 oed**
- Nid oedd unrhyw un o'r bobl ifanc a adolygwyd wedi gadael gofal yn ystod eu cyfnod adolygu.
- 8 **Gwerthuso – Nid oedd y wybodaeth hon ar gael ar gyfer y chwarter hwn.**

ADRAN SAITH

GOFAL SEBIANT BYR RHEOLAIDD

Ni chynhaliwyd adolygiad o ofal seibiant byr rheolaidd yn ystod y chwarter hwn.

ADRAN WYTH

GOFAL SEIBIANT BYR

Ni chynhaliwyd unrhyw adolygiadau o ofal seibiant byr rheolaidd yn ystod y chwarter hwn.